



Publicaziuns dalla vischnaunca, jamna 15

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2010-2032

Norbert Albin, Sonnenhofstrasse 12, 8132 Egg; colurar il tetg dalla casa e refrestgentar las fatschadas, parcella 737, Via Gonda 18, 7180 Disentis/Mustér.

Nr. 2010-2034

Cuminonza da condomini Hotel Rhätia, Via Sursilvana 5, 7180 Disentis/Mustér; sanar il mir da sustegn cunfinont cun la parcella 2501, parcella 912, Via Sursilvana 5, 7180 Disentis/Mustér.

Nr. 2010-2035

Cassa Svizra da viadi (Reka), Via Plauns, caum postal 102, 7180 Disentis/Mustér; nova cuvri-da e drenascha per la piazza da giug, sin parcella 3653, Via Plauns, 7180 Disentis/Mustér.

Encunter quellas decisiuns san ins protestar a scret enteifer 20 dis dapi la publicaziun alla suprastanza communal.

Disentis/Mustér, ils 12-4-2010

Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **venderdis, ils 23 d'avrel 2010 allas 19.30 uras** en stanza da seduta el plaunterren dalla casa communal ad ina seduta.

Tractandas:

1. Protocol nr. 9-2009/2012
2. Rapport da gestiun 2009 (messadi nr. 15-2009/2012)
3. Rapport da quen 2009
4. Revisiun dil regulativ da taxas tier la lescha davart igl allontanament e la purificaziun dallas auas (messadi nr. 14-2009/2012)
5. Casa communal: credit per la sanaziun
6. Program d'activitad 2009–2012: repassar ed adattar (cuntinuaziun dalla tractaziun dils 27 da fevrer 2010)

Il president dil cussegl da vischnaunca

Rimnada dils rumians da casa e rufids blocconts

Els posts da rimnada dalla Regiun Surselva astgan rumians da casa vegnir deponi mo en sacs verds da 15 entochen 110 liters a frs. 0.80 entochen frs. 4.80 per sac. Per rauba blocconta da pintga dimensiun (12 kg) drova ei 2 marcas cotschnas (total frs. 5.–) e per rauba blocconta da 12–30 kg 3 marcas (total frs. 7.50).

Igl ei scumandau da deponer rauba blocconta da gronda dimensiun ni rumians en sacs buca officialas dalla Regiun. Ils sacs officialas san vegnir retratgs dall'administraziun communal, Volg, Coop, Eurospar, Neue Disentiserhof AG, Posta e Sedrun Mustér Turissem.

Il davos temps eis ei vegniu deponiu repetidamein rumians en ina fuorma buca lubida (sacs buca officialas ni en ina outra moda) els posts da rimnada. En plirs cass han ins saviu eruir ils pertuccai e la Regiun Surselva ha instradau ina procedura da castitg.



Tgi che depona sacs buca officialas e rauba blocconta senza la taxa d'emballadi vegn castigaius cun frs. 100.– ed en cass da repetiziun cun frs. 200.–. Gest tenor situaziun vegn ei aunc incassau per l'inquisiziun e la taxa da copiatura frs. 80.– sco era ina taxa da dismessa da frs. 50.–.

Nus supplichein vischinas e vischins d'observar las prescripziuns vertentas e da contribuir ad in bi maletg da nosa vischnaunca. Ils organs communalas ein obligai d'annunziar surpassaments alla Re- giun Surselva.

Per Vossa collaboraziun admettein nus a Vus in cordial engraziament.

Disentis/Mustér, ils 12-4-2010
Suprastonza communalas Disentis/Mustér

**Revisiun parziala dil plan da quartier Acla da Fontauna/Sax – intschess Sax
Conclus dalla suprastonza communalas davart l'introducziun dalla procedura**

Tier la realisaziun dil plan d'areal Acla da Fontauna eis ei semussau, ch'igl ei necessari da far entgi- nas adattaziuns egl intschess Sax. Ils 12 da mars 2010 ha la suprastonza communalas communicau l'intenziun d'introducir la procedura per ina revisiun parziala dil plan da quartier Acla da Fontauna/Sax – intschess Sax. La procedura succeda sin fundament dallas prescripziuns d'art. 51–54 dalla lescha davart la planisaziun dil territori (LPT) e d'art. 16–21 dall'ordinaziun davart la planisaziun dil territori dil cantun Grischun (OPT).

Enteifer il termin ei vegniu inoltrau ina protesta che pertucca il cuntegn dalla procedura. La supraston- za communalas ha tractau la protesta e decidiu:

1. La protesta enviars il cuntegn per la revisiun parziala dil plan da quartier Acla da Fontauna/Sax – intschess Sax vegn renviada.
2. Ei vegn concludiu la revisiun parziala dil plan da quartier Acla da Fontauna/Sax – intschess Sax.
3. La revisiun parziala dil plan da quartier intenda:
 - 3.1 Ina nova reglamentaziun dils dretgs e dallas servituds dallas parcelas pertuccadas.
 - 3.2 Fixar ils dretgs da transit pils pedunzs enviars Sontga Catrina e Funs ed il cuntrari.
 - 3.3 Reglar da niev la repartiziun dils cuosts pil manteniment ed il survetsch d'unviern dalla Via Sax, dalla Via Vanatsch e dil passadi encunter Sontga Catrina.
 - 3.4 Crear ina clav per la repartiziun dils cuosts dalla procedura.

Questa comunicaziun ed il plan da situaziun cugl intschess pertuccaus dalla revisiun dil plan da quartier ei publicaus naven dils **16 d'avrel 2010** en casa communalas (stanza nr. 10).

Encunter il conclus davart l'introducziun dalla procedura per la revisiun parziala dil plan da quartier Sax sa, el senn dallas prescripziuns d'art. 16 OPT, vegnir recurriu enteifer 30 dis dapi la publicaziun officiala alla Dertgira administrativa dil cantun Grischun. Il recuors sto vegnir inoltraus a scret ed ei da motivar.

Disentis/Mustér, ils 12-4-2010
Suprastonza communalas Disentis/Mustér



**Via Pintga - via privata da quartier
Clav da repartiziun dils cuosts da perimeter**

A basa dils conclus gia entrai en vigur, sco era dils art. 23–26, 29 e 30 dalla lescha davart l'avertura pil traffic publichescha la suprastonza communal la clav da repartiziun dils cuosts da perimeter. En connex cun la clav da repartiziun dils cuosts da perimeter vegnan suandonts documents publicai:

- la calculaziun dils cuosts totals dils stabiliments;
- la quota procentuala dalla vischnaunca e la summa approximativa dils cuosts restonts, ch'ils proprietaris da schischom han da purtar (text tenor la communicaziun davart l'introducziun dalla procedura);
- la clav da repartiziun e la summa approximativa dils cuosts per il schischom pertuccau (tenor tabella);
- eventuels cuosts, che la vischnaunca adossescha mo a singuls proprietaris da schischom (tenor tabella).

Dils acts en connex cun la clav per la repartiziun dils cuosts sa vegnir priu investa en casa communal (stanza nr. 10) naven da **venderdis, ils 16 d'avrel 2010** entochen **gievgia, ils 6 da matg 2010**.

Encunter la clav da repartiziun dils cuosts sa vegnir inoltrau enteifer 20 dis dapi la communicaziun protesta alla suprastonza communal Disentis/Mustér. La protesta ei da motivar a scret.

Disentis/Mustér, ils 12-4-2010
Suprastonza communal

**Vischinadi d'Acletta
Radunonza ordinaria**

Dumengia, ils 25 d'avrel 2010 allas 13.15 el hotel Péz Ault.

Tractandas:

1. Beinvegni
2. Elecziun da dus dumbravuschs
3. Prelecziun ed approbaziun dils protocols
4. Rapport annual dil president
5. Quen e rapport dils revisurs
6. Fixaziun taxa da fiug
7. Elecziuns
8. Program da lavur
9. Varia

Naven dallas 14.00 ei previu in suentermiezdi da jass/troccas (mira annunzia).

Cordialmein envida
la suprastonza dil vischinadi Acletta

Suentermiezdi da jass e troccas

Nus envidein tut(ta)s convischin(a)s ad in suentermiezdi da divertiment da jass e troccas **dumengia, ils 25 d'avrel 2010** e quei naven dallas 14.00 entochen ca. allas 17.00 ell'ustria Péz Ault.

Ei vegn offeriu in pign refrestg.

La suprastonza dil vischinadi d'Acletta



Rimnada da pupi

Venderdis, ils 30-4-2010

Adatg! Ei vegn mo rimnau: gasettas, illustradas, catalogs, cudischs e prospects stampai

Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziel.

Nus rimnein buca cartun. Quel sa vegnir deponius a Raveras igl entir onn ora e quei las mesjamnas (16.00–17.30) e sondas (10.00–12.00) e buca durant la rimnada.

Bien engraziament per Vies agid e sustegn!
Scolas Mustér, Ch. Berger

Ordinaziun pils scolars

Naven dad immediat valan las suandontas ordinaziuns:

1. Ils vehichels astgan buca vegnir manischai entras scolar(A)s. Mo personas sur 20 onns san star a disposiziun per guidar in vehichel.
2. Igl ei scumandau rigurusamein da seser sin la punt d'in vehichel. Quei scamond vala avon, durant e suenter la rimnada da pupi.
3. Tut ils scolars che separticipeschan alla rimnada da pupi ston purtar ina vesta da segirtad. Ils geniturs dils scolars pertuccai ein responsabels d'equipar els cun ina tala. (Vesta oranschha ni melna cun sdremas reflectontas ch'ei obligatoria en scadin auto da personas.)
4. Ils scolars han da suandar absolutamein las ordinaziuns dallas personas d'instrucziun che sesanflan els quaters.
5. La rimnada da pupi succeda entras la 3. sec./reala e la 2. sec./reala

Cun quellas mesiras lein nus evitar accidents sco tals ch'ei schabegjai a Mustér ed en auters loghens. Surschazegiar sesez, surpassaments dallas prescripziuns, vehichels pli gronds e pli sperts ein ils motivs principals per ils accidents succedi.

Di dallas portas aviartas

Geniturs ed autras personas interessadas vid la scola han la pusseviltad da visitar lur affons durant l'instrucziun e quei sco suonda:

Scoletta: **mardis, ils 20 d'avrel 2010**
Scalem primar: **gievgia, ils 22 d'avrel 2010**
Scalem superiur: **venderdis, ils 23 d'avrel 2010**

Ils affons e las personas d'instrucziun selegran da Vossa viseta.

Annunzias per scoletta ed emprema classa

Annunzias pil niev onn da scola 2010/11 per la scoletta e l'emprema classa ein da tarmetter tochen ils **23 d'avrel 2010** al meinascola (Via da scola 9).



**Pro Senectute Surselva
Niev il venderdis! Sault a Sumvitg
Neu am Freitag! Tanzveranstaltung in Sumvitg**

Siehe/mira sut Sumvitg.

Radunonza generala dalla caplania Segnas

La radunonza generala dalla caplania Segnas ha liug **dumengia, ils 18 d'avrel 2010 allas 19.30 uras en casa da scola a Segnas.**

Tractandas statutaricas.

Cordialmein envida
la suprastonza

**Cussegl pastoral, Mustér
Cerchel sozial caritativ**

Nus envidein cordialmein nossas senioras e nos seniors ad in **gentar communabel.**

Gievgia, ils 29 d'avrel 2010 allas 12.00 el restaurant Cruna, Mustér.
Prezi per il gentar: frs. 20.–.
Annunzias tochen ils **24 d'avrel** per tel. 081 947 58 27 ni 081 947 53 73.

Prendei quella caschun da star da cumpignia, da dar ina paterlada, in scart troccas ni jass.

Nus selegrein sin stedia participaziun.

**Per tut las uniuns da dunnas dalla Cadi
Ils «onns caulds»**

Mira sut Cadi.

Las Bagordas, Mustér: Radunonza generala

La radunonza generala dalla musica da tscheiver Las Bagordas, Mustér ha liug

sonda, igl 1. da matg 2010 allas 20.15 ell'ustria dalla staziun, Mustér.

Cordialmein envida
la suprastonza

**40 onns Budo Disentis
Fiasta da giubileum/Jubiläumsfest**

Sonda, ils 17 d'avrel 2010 halla Cons, Disentis/Mustér.

16.00 uras portas aviartas pils affons el dojo a Raveras
18.00 uras entschatta dil program da fiasta en halla Cons



Producziuns da judo e ju-jitsu dils affons e dils carschi.
Tombola cun bials premis.
Musica da sault, uustria e bar.
Entrada libra.

Cordialmein envidein nus tuts simpatisants dils sports asiats da festivar cun nus ils 40 onns Budo Disentis.

Sentupada Nordic Walking

Per tut tgi che ha plascher da Nordic Walking s'entupein nus mintgamai la mesjamna allas 19.30 avon halla Cons.

Adatg: las empremas duas ga s'entupein nus mardis, ils 20 d'avrel e mardis, ils 27 d'avrel.

Naven dils 5 da matg mintgamai la mesjamna sera sco ils onns vargai.

Sin stedia participaziun selegra
la menadra: Erna Hosang

Lotto a Disentis/Mustér

Sonda, ils 17 d'avrel 2010 allas 20.00 el Center da sport e cultura (sala Fontauna).

Vendita da cartas naven dallas 19.00.
Adatg: Bus gratuit naven da Flem.
Reservaziun sut 081 936 44 44.

Sin Vossa viseta selegra
Secziun da catschadurs Péz Alpetta

Club da troccas Mustér

Nus dein aunc troccas entochen la fin d'avrel. Sentupada ei mintgamai **mardis allas 19.30 el hotel Rhätia.**

Cordialmein envidan
Gion Michel Flepp, Romeo e Marco Schmed

Concert chor d'affons vischnaunca Sumvitg

Mira sut Sumvitg.

Ludoteca Mustér

Liug/Ort: Halla Cons, tel. 076 494 39 92
e-mail: ludoteca@disentis.ch

Uras d'avertura / Öffnungszeiten:

Gliendisdis/Montag: 18.30–20.00
Gievgia/Donnerstag: 16.00–17.30



Venderdis/Freitag: 18.30–20.00

Vies team dalla ludoteca

Biblioteca populara, Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar. Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.

La biblioteca ei aviarta:

Gliendisdis 18.30–20.00 uras

Mardis 13.30–15.00 uras

Gievgia 16.00–17.30 uras

Venderdis 18.30–20.00 uras

Nies motto: Leger . . . tedlar . . . mirar . . . !

Nus selegrein da mintga viseta.

Biblioteca populara Mustér
